

**Bosna i Hercegovina  
Federacija Bosne i Hercegovine  
Zeničko-dobojski kanton  
GRAD ZENICA**

**Služba za boračko-invalidsku i socijalnu zaštitu, stambene poslove i društvene djelatnosti**

Broj: 01-45-7097/21

Zenica: 11.05.2021. godine

**STRUČNA SLUŽBA GRADSKOG VIJEĆA**

**PREDMET: Stav Službe**

**Izveštaj o radu JU „Gradska biblioteka “ Zenica za 2020.godinu  
- dostavlja se**

Osnivač JU Gradska biblioteka Zenica je Grad Zenica a finansijer Zeničko-dobojski kanton, koji obezbjeđuje sredstva za plaće, topli obrok i dio materijalnih troškova.

Izveštaj o radu JU Gradska biblioteke Zenica pregled je stanja, poslovanja, aktivnosti i problema sa kojima se u svom radu nosila ova institucija kulture u 2020. godini.

Biblioteka je osnovana Rješenjem Narodnog odbora SO Zenica 15. januara 1954. godine.

Javnu funkciju u skladu sa Odlukom o osnivanju i misijom Ustanove, Biblioteka ostvaruje kroz rad u pet gradskih odjeljenja: Centralnom odjeljenju u Školskoj ulici – površine 376 m<sup>2</sup>, Dječijem odjeljenju u ulici Branilaca Bosne – 64 m<sup>2</sup>, Odjeljenju Sarajevska (za djecu i odrasle) 26 m<sup>2</sup>, Odjeljenju Crkvice s čitaonicom 82 m<sup>2</sup>, te Odjeljenje Radakovo (za djecu, mlade i odrasle) površine 100 m<sup>2</sup>.

Prostor u kome radi Centralno odjeljenje Biblioteke ne odgovara savremenim standardima.

Uloga Biblioteke kao javne ustanove je: opće obrazovanje, informisanje i zadovoljavanje kulturnih i drugih potreba građana radi svestranog kulturnog, naučnog i obrazovnog napretka pojedinca i društva u cjelini u skladu sa Zakonom o javnim ustanovama, Zakonom o bibliotečkoj djelatnosti, pravilima Biblioteke i ostalim važećim propisima. Bibliotečka djelatnost je od posebnog društvenog interesa i Biblioteka svoju djelatnost kao javna ustanova obavlja u skladu sa zakonskim obavezama

Gradska biblioteka svoju funkciju ostvaruje u skladu sa Odlukom o osnivanju i misijom Ustanove.

U 2020. godini Biblioteka je imala 21 zaposlenika i to: jedanaest VSS (od kojih šest diplomiranih bibliotekara i 2 magistra bibliotekarstva), 6 SSS i 3 NSS. Po polnoj strukturi, zaposleno je šest muškaraca i 15 žena.

Prošlu poslovnu godinu, Biblioteka je završila viškom prihoda nad rashodima u iznosu **25.828 KM**, ukupan prihod iznosio je 524.105 KM a ukupan rashod 496.277 KM. Višak prihoda nad rashodima utrošen je na kapitalna ulaganja Biblioteke (za knjige i opremu).

Kantonalno ministarstva finansija ZDK formiralo je jedinicu za internu kontrolu/reviziju koje pokriva sve budžetske organizacije prvog i drugog reda u sastavu Kantona, te Biblioteka nema zakonsku obavezu da samostalno angažuje ovlaštenog internog revizora.

Godišnja članarina za upis korisnika ostala je na nivou prethodnih godina: u Centralnom odjeljenju i Čitaonici iznosila je 15 KM (objedinjene za Čitaonicu i biblioteku 20,00KM), a u ostalim odjeljenjima po 10 KM. Korisnicima usluga Biblioteke na raspolaganju su: beletristika, stručna građa, novine i časopisi, stručna literatura, priručna literatura (enciklopedije, rječnici, leksikoni i sl.), te WEB stranica, računari, internet i mogućnost pretrage baza podataka, međubibliotečka pozajmica, fotokopiranje i skeniranje.

Aktivnih korisnika članova bilo je 3.996, korisnika bez članstva 1.309, a ostalih korisnika 520.

Broj korisnika Biblioteke i redovnih usluga pruženih korisnicima nije bitno smanjen u odnosu na 2019. godinu.

Struktura korisnika usluga: osnovnoškolski i predškolski uzrast – 43%, srednjoškolci – 17%, studenti – 9%, zaposleni – 17%, penzioneri – 8%, nezaposleni – 6%.

Po spolnoj strukturi jedna je trećina muškog a dvije ženskog spola.

Međubibliotečka pozajmica građe od drugih biblioteka omogućila je za studente, istraživače, magistrante i doktorante pomoć u njihovom istraživačkom radu, a literatura je posuđivana od NUBBIH, NUBRS, NUB Tuzla, Filozofskih fakulteta u Sarajevu i na Palama, Biblioteke Grada Sarajeva, te biblioteka u Orašju, Tuzli Doboju, Visokom, Kaknju, Zavidovićima i Mostaru.

Zaposleni u Službi za nabavku i obradu bibliotečke građe kontinuirano su obavljali poslove iz svog djelokruga rada: analizirali strukturu fonda radi izbora i narudžbe bibliotečke građe, primali i stručno obrađivali građu unoseći podatke u COBISS bazu, brinuli o tehničkoj zaštiti građe, formirali kataloge, organizovali zbirke, i kolekcije unutar Biblioteke, radili na reviziji fonda.

Za nabavku 753 nove bibliotečke jedinice u 2020. godini od Grada Zenica doznačeno je 7.500 KM, a iz vlastitih sredstava Biblioteke utrošeno 3.008,85 KM

Obnova fonda vršena je na više načina: preuzimanjem obaveznog primjerka štampanog materijala i drugih oblika zapisa prvog primjerka bosanskohercegovačke produkcije iz NUB BiH, vlastitim izdanjima, pojedinačnim poklonima autora, građana i pravnih lica i Fondacije za bibliotečku djelatnost.

Biblioteka je u protekloj godini je za svoje članove nabavljala pet najaktuelnijih naslova časopisa i novina. Službene novine FBiH i Glasnik BiH bili su, zbog skučenosti prostora, dostupni putem računara. U štampanoj formi su se mogla koristiti izdanja Službenih novina Zeničko-dobojskog kantona.

Pomoć u radu u 2020. godini Biblioteci su pružili:

- *Grad Zenica: plaćanjem godišnjih troškova grijanja, finansijskom podrškom pri realizaciji kulturnih aktivnosti Biblioteke, obnovi knjižnog fonda i izdavačkoj djelatnosti.*

- OPA USA (Ured za odnose sa javnošću Ambasade SAD u BiH) koji plaća troškove internet veze Američkog kutka u Biblioteci i IT podrške, pokriva troškove održavanja i obnove Američkog kutka, donira opremu, namještaj i bibliotečku građu.

-Fondacija za bibliotečku djelatnost: finansiranjem projekata i otkupom knjiga za Biblioteku.

-Zeničko-dobojski kanton: finansijskom potporom pri realizaciji kulturnih aktivnosti i izdavačkoj djelatnosti.

Početkom godine korisnicima je omogućeno učlanjenje pod povoljnijim uslovima, a zahvaljujući podršci privrednih subjekata u gradu, u Biblioteku je učlanjeno 600 djece.

Priređeni su i tradicionalni programi kao što su: Ljeto u biblioteci, Zimovanje u biblioteci, Poetski maraton, Svjetski dan dječije knjige, Dokumfest, Mjesec knjige.

Važno je naglasiti da je 2020. bila godina pandemije korona virusa, što je uveliko uticalo na sve aktivnosti i način rada biblioteke, naročito kad je riječ o programima, promocijama i manifestacijama. Sve manifestacije održane su putem interneta, osim dodjele Plakete Zeničko-dobojskog kantona Šemsudinu Gegiću za izuzetan doprinos razvoju Kantona u oblasti umjetnosti.

Upravni odbor je usvojio Izvještaj o radu Gradske biblioteke Zenica u 2020. godini u tekstu kako je predloženo Upravnom odboru.

Ocjenjujući rad direktora Upravni odbor je istakao da „smatraju da je direktor izuzetnom posvećenošću i profesionalizmom obogatio kulturne sadržaje Grada, a saradnjom sa zajednicom učinio Biblioteku vidljivijom i stoga ga za njegov rad ocjenjuju najvišom ocjenom“.

Saradnja Službe sa menadžmentom Ustanove je dobra u smislu pristupačnosti, međusobne komunikacije te realizacije osnivačkih obaveza, nastavljena je saradnja i sa upravnim odborom Ustanove.

Cijeneći sve navedeno a s obzirom na prezentirane pokazatelje o radu, rukovođenju, upravljanju i nadzoru nad radom Ustanove, Služba za boračko - invalidsku i socijalnu zaštitu, stambene poslove i društvene djelatnosti dostavlja Gradskom vijeću Izvještaj o radu JU „Gradska biblioteka“ Zenica za 2020. godinu. na razmatranje i usvajanje.

S poštovanjem,

#### PRILOZI:

1. Izvještaj o radu JU „Gradska biblioteka“ Zenica za 2020.godinu
2. Bilans stanja na dan 31.12.2020. godine
3. Bilans uspjeha za period od 01.01.2020. do 31.12.2020. godine
4. Odluka o usvajanju Izvještaja o radu u 2020. godini br. 125/21 od 30.03.2021. godine
5. Odluka o ocjeni rada direktora u 2020. godini br. 125/21/1 od 30.03.2021. godine

#### DOSTAVLJENO:

1 x Naslov  
1 x a/a

Šef Odsjeka za društvene djelatnosti  
Z.I.



Pomoćnica Gradonačelnika

Sumea Mujkanović

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON**

**GRAD ZENICA  
GRADSKA BIBLIOTEKA ZENICA**

---

**IZVJEŠTAJ O RADU  
GRADSKE BIBLIOTEKE ZENICA  
U 2020. GODINI**

**Zenica, mart 2021. godine**

# SADRŽAJ

1. UVOD .....	3
2. OSTVARIVANJE JAVNE FUNKCIJE U SKLADU S ODLUKOM O OSNIVANJU I MISIJOM USTANOVE.....	4
2.1. Osnovna djelatnost Biblioteke.....	4
2.2. Nabavka i obrada bibliotečke građe.....	6
2.3. Aktivnosti na popularizaciji knjige, čitanja i Biblioteke .....	6
2.3.1. Realizovani programski sadržaji i aktivnosti .....	7
3. FINANSIJSKO POSLOVANJE BIBLIOTEKE U 2019. GODINI.....	10
4. STRUKTURA RADNIKA.....	12
5. O RADU DIREKTORA I NJEGOV DOPRINOS ZA POSTIGNUTE REZULTATE U RADU USTANOVE .....	13
5.1. STAV UPRAVNOG ODBORA O RADU DIREKTORA .....	14
6. O RADU UPRAVNOG ODBORA .....	15
7. IZVJEŠTAJ REVIZORA .....	15
8. PLAN POSLOVANJA U 2020. GODINI.....	16

---

# 1. UVOD

Biblioteka je osnovana 1954.godine: Rješenje Narodnog odbora grada Zenice, broj: 782/54, od 15. 01. 1954. godine.

Općina Zenica zadržava pravo osnivača Radne organizacije Narodna biblioteka Zenica koja nastavlja rad pod nazivom Javna biblioteka u Zenici na osnovu Odluke Vijeća Općine Zenica broj: 01-023-46/96. Od 11.07. 1996. godine Biblioteka je upisana u registar ustanova u Kantonalnom sudu u Zenici: Rješenje broj: U/I-1276/97 od 15. 12. 1997. godine.

Biblioteka je 01. 10. 2001. godine, na osnovu Zaključka Načelnika Općine Zenica, broj: 02-40-18766/01 promijenila naziv u Opća biblioteka u Zenici.

Promjena naziva ustanove iz Opća u Gradska biblioteka Zenica, kako bi novi naziv ustanove bio usklađen sa promijenjenim statusom i nazivom Osnivača jer je Općina Zenica proglašena Gradom Zenica, upisana je kod Općinskog suda Zenica, Rješenje broj: 043-0-Reg-18-000386, od 12. 06. 2018. godine.

**Uloga Biblioteke kao javne ustanove je: opće obrazovanje, informisanje i zadovoljavanje kulturnih i drugih potreba građana, radi svestranog kulturnog, naučnog i obrazovnog napretka pojedinca i društva u cjelini u skladu sa Zakonom o javnim ustanovama, Zakonom o bibliotečkoj djelatnosti, Pravilima Biblioteke i ostalim važećim propisima.**

**Bibliotečka djelatnost od posebnog je društvenog interesa** i zadaci Biblioteke su da:

- utvrđuje potrebe, prikuplja, stručno obrađuje, čuva i obnavlja bibliotečku građu;
- pruža pomoć pri izboru i korišćenju bibliotečke građe i osigurava njeno efikasno korišćenje;
- vodi kataloge i drugu dokumentaciju o bibliotečkoj građi;
- dostavlja podatke za centralni katalog bibliotečke građe i učestvuje u njegovom formiranju;
- vodi evidenciju o bibliotečkoj građi, korisnicima i korišćenju bibliotečke građe, te statistički obrađuje evidentirane podatke;
- bavi se izdavačkom djelatnošću;
- sarađuje s drugim informativnim centrima na formiranju baze podataka, organizovanom protoku informacija i unapređenju informaciono-dokumentacionih poslova;
- učestvuje u međubibliotečkoj pozajmici građe;
- osigurava uslove za korišćenje bibliotečke građe širenjem mreže odjeljenja i pokretnih biblioteka;
- samostalno, i u saradnji s kulturnim, obrazovnim i drugim ustanovama, preduzećima i drugim pravnim licima organizuje promocije knjiga, izložbe i druge oblike razvijanja interesa za bibliotečku građu i bibliotečku djelatnost.

Međubibliotečkom pozajmicom građe od drugih biblioteka omogućavali smo za studente, istraživače, magistrante i doktorante, kao pomoć u njihovom istraživačkom radu, nabavku građe koju biblioteka nema u svom fondu (udovoljeno na 34 zahtjeva nasih korisnika) a iz vlastitog fonda, na adrese drugih biblioteka, izvršeno je 29 pozajmica. Ovakav vid razmjene bibliotečke građe posebno je dobio na značaju nakon pogoršanja epidemiološke situacije izazvane korona virusom (COVID-19) jer je zbog ograničenja kretanja građana komunikacija sa korisnicima bila svedena na kontakte telefonskim i elektronskim putem ili dostavu građe putem pošte. Međubibliotečku pozajmicu uspješno smo realizovali sa NUBBiH, NUBRS, Filozofskim fakultetima u Sarajevu i na Palama, Bibliotekom grada *Sarajeva*, bibliotekama u Orašju, Tuzli, Doboju, Visokom, Kaknju, Zavidovićima i Mostaru.

Raspoloživa informatička oprema i mobilna informativna pomagala (elektronski katalozi, bibliografski izvori, elektronske knjige, registri i dr.) korisnicima su bila na raspolaganju u skladu sa preporukama u toku trajanja epidemiološke situacije.

Cijene godišnjih članarina za upis korisnika u Centralnom odjeljenju i Čitaonici iznosila je 15 KM, objedinjena za Čitaonicu i Centralno odjeljenje 20 KM, a u ostalim odjeljenjima po 10 KM. Povlastice pri upisu imala su nezaposlena lica i penzioneri, a povoljnosti su date za porodično i kolektivno učlanjenje. Korisnicima Američkog kutka i volonterima Biblioteke usluge nisu naplaćivane.

Prema evidenciji Službe za rad s korisnicima bibliotečke građe i Zavičajne zbirke **aktivnih korisnika članova bilo je 3996, korisnika bez članstva 1309, a ostalih korisnika 520.**

Struktura korisnika usluga: osnovnoškolci i predškolski uzrast - 43 posto, srednjoškolci - 17 posto, studenti - 9 posto, zaposleni - 17 posto, penzioneri - 8 posto, nezaposleni - 6 posto. Posmatrano po spolnoj strukturi, jedna trećina korisnika je muškog, a dvije trećine ženskog spola.

Povećan broj učenika kao korisnika naših usluga u zadnje dvije godine (od 10 posto) smatramo dobrim smjerom naše poslovne politike razvijanja čitalačkih navika kod najmlađeg uzrasta korisnika jer su to generacije koje u eri tehnološkog razvoja osim knjige imaju i brojne druge mogućnosti da dođu do znanja i informacija.

Broj korisnika Biblioteke i pruženih redovnih bibliotečkih usluga (pozajmica građe van i u čitaoničkom prostoru, korišćenje informatičke opreme, pretraga baza podataka i dr.) nije bitnije smanjen u odnosu na prethodnu, 2019. godinu.

## 2. OSTVARIVANJE JAVNE FUNKCIJE U SKLADU S ODLUKOM O OSNIVANJU I MISIJOM USTANOVE

Redovne poslove i planirane zadatke u tekućoj godini Biblioteka je obavljala preko svojih službi.

### 2.1. Osnovna djelatnost Biblioteke

Obavljanjem bibliotečke djelatnosti, i u ovoj godini, Biblioteka je nastojala opravdati svoju osnovnu svrhu da građanima pomogne u općem obrazovanju i informisanju, te zadovoljavanju njihovih kulturnih i drugih potreba a radi svestranog, kulturnog, naučnog i obrazovnog napretka pojedinca i društva u cjelini, u skladu sa važećim zakonskim propisima.

Osnovna, **bibliotečka djelatnost** obavljana je u pet gradskih odjeljenja:

- **Centralnom odjeljenju**, u Školskoj ulici broj 6, u sklopu kojeg su: *Zbirka beletristike, Zbirka stručne i priručne literature, Zavičajna zbirka, Zbirka knjiga za slijepa i slabovidna lica, Čitaonica sa 80 mjesta i Američki kutak*. Zbirka *Obaveznog primjerka* prvog izdanja bosanskohercegovačke produkcije, koju Biblioteka redovno preuzima od NUBBiH Sarajevo, smještena je na dvije izdvojene lokacije (prostor u BNP Zenica i prostor CZ u Gradskom skloništu);
- **Dječijem odjeljenju** u ulici Branilaca Bosne, površine 64 m<sup>2</sup>;
- **Odjeljenju Sarajevska** (za djecu i odrasle) u Sarajevskoj ulici, površine 26 m<sup>2</sup>;
- **Odjeljenju Crkvice**, s čitaonicom (za djecu i odrasle) u naselju Crkvice, površine 82 m<sup>2</sup>;
- **Odjeljenju Radakovo**, s čitaonicom (za djecu, mlade i odrasle) u ulici Ćire Truhelke, površine 100 m<sup>2</sup>.

*Biblioteka je redovno osiguravala efikasno korištenje bibliotečke građe i pružala pomoć pri izboru i njenom korišćenju kao još jedan od svojih redovnih zadataka.*

Radi zadovoljavanja potreba korisnika, rad u Centralnom i Dječijem odjeljenju odvijao se u dvije smjene, a u Centralnom odjeljenju i subotom do 14,00 sati, osim u periodu od 19. marta do 18. maja, kada je Naredbom federalnog kriznog stožera/štapa broj: 12-40-6-148-10/20 rad s korisnicima u prostorima Biblioteke bio obustavljen. Poslovna komunikacija se u ovom periodu obavljala isključivo telefonskim putem i emailom a sve druge radne aktivnosti preusmjeravane su na online platforme. U skladu sa naredbama i preporukama nadležnih institucija preduzimane su i dodatne mjere za zaštitu života i zdravlja radnika i korisnika naših usluga (obavješćavanje radnika i korisnika, dezinfekcija radnih prostora, konstantna nabavka neophodne zaštitne opreme i dezinficijensa i dr.).

Korisnicima su bili na raspolaganju postojeći resursi Biblioteke: fondovi za korištenje van Biblioteke namijenjeni djeci predškolskog i školskog uzrasta, kao i kategoriji odraslih korisnika, fond čitaonice (referalna zbirka i fond monografskih i serijskih publikacija), fondovi specijalnih zbirki (obavezni primjerak, zavičajna zbirka, zbirka za slijepa i slabovidna lica) i građa na stranim jezicima, dnevna i sedmična štampa, elektronska izdanja službenih novina i časopisa.



## 2.2. Nabavka i stručna obrada bibliotečke građe

*Služba za nabavku, stručnu obradu i zaštitu bibliotečke građe je redovno utvrđivala potrebe korisnika a onda vršila prikupljanje i stručnu obradu građe u COBISS bazi podataka BiH, zaštitu i čuvanje bibliotečke građe. Vođeni su katalozi i druga dokumentacija o građi i vršena statistička obrada evidentiranih podataka. Vršena je saradnja sa drugim informativnim centrima u formiranju baze podataka, organizovanom protoku informacija i unapređivanju informaciono-dokumentacionih poslova. Kontinuirano se radilo i na daljnjem formiranju fonda Zavičajne zbirke.*

Prema evidenciji Službe u toku godine stručno je obrađeno (katalogizovano i klasificirano) 1.977 novih bibliotečkih jedinica.

Obnova fonda vršena je na više načina: kupovinom, preuzimanjem obaveznog primjerka štampanog materijala i drugih oblika zapisa prvog primjerka bosanskohercegovačke produkcije iz NUB BiH, vlastitim izdanjima, pojedinačnim poklonima autora, građana i pravnih lica i izdanjima koje za biblioteke otkupljuje Fondacija za bibliotečku djelatnost Sarajevo.

Kupovina je najpoželjniji oblik obnove fonda u svakoj biblioteci jer na taj način, prateći strukturu korisnika i izdavačku djelatnost, Biblioteka može izvršiti planirane popune fondova i udovoljiti željama korisnika. Za kupovinu je ove godine (iz namjenskih sredstava doznačenih od Grada Zenica - 7.500 KM i vlastitih sredstava Biblioteke - 3.008,85 KM) ukupno izdvojeno 10.508,85 KM i nabavljeno 753 nove bibliotečke jedinice.

Osim monografskih publikacija (knjiga), za korisnike čitaonice Centralnog odjeljenja Biblioteke, su godišnjom pretplatom na izdanja nabavljane i serijske publikacije, pet najaktuelnijih naslova novina i časopisa.

Za korisnike službenih novina FBiH i glasnika BiH, prvenstveno zbog problema nedostatka prostora za smještaj i odlaganje građe, obezbjeđena je neophodna oprema (računar i štampač) i pretplata za aplikaciju - elektronski pregled službenih izdanja. U štampanoj formi obezbjedili smo izdanja Službenih novina ZDK.

## 3. Aktivnosti na popularizaciji knjige, čitanja i Biblioteke

Rad na promociji knjige i čitanja kao još jedan od redovnih bibliotečkih zadataka vršen je i samostalno i u saradnji s kulturnim, obrazovnim i drugim ustanovama, preduzećima i drugim pravnim licima putem organizovanja kulturno-obrazovnih programa (predstavljanje knjiga, izložbe, predavanja, obilježavanje jubileja vezanih za Biblioteku ili značajnih datuma iz oblasti kulture i umjetnosti, muzičkih večeri...).

Posebno težište aktivnosti i dalje je bilo usmjereno na pojačanu propagandu ukupne djelatnosti Biblioteke ali se ono ove godine, zbog skoro cjelogodišnje nepovoljne epidemiološke situacije, odvijalo većinom putem internet portala i elektronskih medija (web-stranice Biblioteke, Facebook profila, Youtube kanala, radio, TV...).

Osim navedenog promoviranja rada Biblioteke radilo se aktivno i na vlastitoj izdavačkoj djelatnosti pa su do kraja godine objavljena dva nova izdanja a još dva potpuno pripremljena i data za štampu.

### 2.3.1. Realizovani programski sadržaji i aktivnosti

Važno je naglasiti da je 2020. bila godina pandemije korona virusa, što je uveliko uticalo na sve aktivnosti i način rada biblioteke, naročito kad je riječ o našim programima, promocijama i manifestacijama. U 2020. godini nismo bili u mogućnosti održati našu tradicionalnu manifestaciju "Ljeto u biblioteci", zbog specifičnog formata tog programa, koji zahtijeva direktnu komunikaciju između instruktora i polaznika kurseva. Ostale aktivnosti smo uspjeli organizovati online, preko naše Facebook, kao i web stranice.

Godinu smo započeli obilježavanjem 66. godišnjice naše ustanove. Tim povodom smo, tokom sedmice u kojoj je bio rođendan (15. januar), svim našim korisnicima omogućili učlanjenje u Biblioteku po povoljnijim finansijskim uslovima.

Nakon toga je uslijedila naša akcija besplatnog učlanjenja svih prvačića gradskih osnovnih škola u Gradsku biblioteku Zenica. Akciju smo, zahvaljujući podršci privrednih subjekata grada, uspješno proveli, te u biblioteku učlanili preko 600 djece.

- 16. januara 2020. godine predstavili smo naše novo izdanje - "Oneobičavanje proznog teksta: jezik u prozi Vitomira Lukića", našeg kolege, doktoranta Nermina Ormanovica. Promotori su bili prof. dr. Marina Katnić-Bakaršić, akademik, te Željko Grahovac, pjesnik i književni kritičar. Knjiga predstavlja vrijedan doprinos proučavanju opusa i stila Vitomira Lukića, i to posebno zato što se kao hipoteza implicitno provlači ideja o tome da je upravo oneobičavanje jezika stilska dominantna (kako bi to nazvao Tinjanov i ruski formalisti) Lukićevoga stila. Ormanović se ovom knjigom predstavlja kao zaljubljenik u jezik, stil, književnost, a posebno kao zaljubljenik u književni opus Vitomira Lukića. I sama knjiga stoga predstavlja svojevrsno oneobičavanje pristupa tom opusu: kao da vraća čitateljima mogućnost opažanja svega onoga što dosad možda nisu primjećivali ili nisu umjeli prepoznati i interpretirati u Lukićevoj prozi. Drugim riječima, čitateljska percepcija se usmjerava i izoštrava tako da je oneobičavanje jezika u prvom planu, gotovo kao da je osvijetljeno reflektorima, dok druga obilježja stila ostaju u pozadini, u mraku. Ormanović tako uspješno fokusira čitateljsku pozornost na ono što je njemu kao autoru ključno.

- 22. januara 2020. godine u 12,00 sati družili smo se sa Elmirom Mekić i promovisali njene knjige za djecu. Ova sarajevska učiteljica i književnica spojila je dvije ljubavi - ljubav prema pisanju i edukaciji - te objavila već četiri knjige s ciljem da educira djecu o prevenciji vršnjačkog nasilja. U programu su učestvovali: dr. Amina Zimić-Delić, prof. dr. Izet Pehlić, mr. sci. Amila Herceg-Hodžić, Elmira Mekić.

- ZIMOVANJE U BIBLIOTECI je standardna manifestacija koju tokom zimskog raspusta organizujemo u odjeljenju Radakovo. U 2020. godini „Zimovanje“ je startalo izradom čestitki i kićenjem prostorija biblioteke. Zatim su uslijedile edukativno zabavne radionice, koje su trajale tokom čitavog zimskog raspusta.

- U februaru 2020. godine je naša biblioteka sudjelovala u projektu "Little Free Library" koji organizuju i realizuju učenici Opće gimnazije KŠC „Sv. Pavao“ Zenica. Police s knjigama, pod nazivom "Little Free Library", bile su smještene u četiri lokalna coffee bara (Cafe bar Bonaparte, FRIENDS coffee house, Caffè bar Šibica, Caffè bar Cooltura) i bile su slobodno dostupne svima.

- 29. januara je u čitaonici biblioteke održana promocija knjige "I vrapci na grani" Tarika Haverića. Moderator je bio Željko Grahovac.

- 6. februara su direktor Abdagić i bibliotekar Mehmedović obišli sve osnovne gradske škole i podijelili besplatne članske karte svim prvačićima. Pored toga, u veselom ritmu, uz salve smijeha, recitaciju, pjesmu i muziku izveli su i kratki edukativno-zabavni program u OŠ "Meša Selimović", OŠ "Musa Ćazim-Ćatić" i OŠ "Edhem Mulabdić". Nakon toga su oduševljeni mališani, sada kao članovi, obećali brzo uzvratiti posjetu našoj/svojoj biblioteci.

- 7. februara je u organizaciji "Kluba zdravlja Sarajevo" održano predavanje na temu "Antikancerogeni faktori ishrane". Gost govornik bila je nutricionistica Željka Kunoš Anjum. Program je održan u čitaonici biblioteke.

- 27. februara 2020. godine, s početkom u 18,00 sati u čitaonici biblioteke je promovisana knjiga "Tragom moje rijeke" Mevlide Bečić. Mevlidi Bečić je 2011. godine dijagnosticirana multipla skleroza. Svoje iskustvo u borbi s teškom bolešću pretočila je u iskrenu, potresnu i poučnu ispovijest.

#### - POETSKI MARATON 2020.

Uvažavajući vanrednu situaciju u kojoj se našao cijeli svijet, kreativni tim Gradske biblioteke Zenica odlučio je da "Poetski maraton", koji je planiran za 21. mart 2020. godine (Svjetski dan poezije), IPAK BUDE ODRŽAN i to online. Uslijedio je najsadržajniји poetski maraton u istoriji naše ustanove. U maratону je učestvovalo skoro 200 recitatora, pjesnika, glumaca i drugih javnih ličnosti iz cijele regije, među kojima su se našla i mnoga eminentna imena: Boris Lalić, Selvedin Avdić, Marija Šuković, Vladimir Čolaković, Dunja Jelovac, Mario Drmać, Peđa Bajović, Sabina Kulenović, Zaim Poturić, Ferida Duraković, Srđan Sekulić, Alma Abdagić i brojni drugi. Video zapise smo emitovali na našoj Facebook stranici, svakih 15 minuta po jedan i to je trajalo punih 36 sati u kontinuitetu. Maraton je odjeknuo regionom, imao je nekoliko stotina hiljada pregleda i desetine hiljada reakcija. Brojni mediji su objavili priloge i pisali članke o našem poetskom maratону. Ova manifestacija donijela je izuzetno dobru afirmaciju našoj ustanovi ali i cijelom gradu, te nas pokazalo u izuzetno dobrom svjetlu, u smislu reakcije na pandemijsku situaciju u svijetu, te poslužila kao primjer drugim ustanovama da pokrenu slične aktivnosti.

#### - SVJETSKI DAN DJEČIJE KNJIGE

2. aprila smo, takođe online, obilježili Međunarodni dan dječije knjige. Od 1967. godine, na rođendan Hansa Christiana Andersena, 2. aprila, obilježava se ovaj praznik, kako bi kod djece i odraslih potaknuo ljubav prema čitanju.

Organizovali smo online program u kojem smo, slično kao i u slučaju poetskog maratona, prenijeli poruke nekih od najznačajnijih pisaca za djecu u BiH: Šimo Ešić, Ivica Vanja Rorić, Jagoda Iličić, Mirsad Bećirbašić, Fahrudin Kučuk, Mujo Musagić, Bakir Abdagić i drugi.

- Povodom Svjetskog dana knjige i autorskih prava, 23. aprila smo raspisali konkurs za autorsku priču na temu "Čitam zato što". Autore najboljih radova nagradili smo besplatnom godišnjom članskom kartom Biblioteke. Na ovaj dan smo se sjetili i našeg sugrađanina, književnika Muharema Omerovića, kroz objavljivanje njegovih djela na našim web platformama.

#### - DOKUMFEST

Festival dokumentarnog muzičkog filma dokuMfest je, zbog epidemije, 2020. Godine održan u prostorijama udruženja "Zona muzike". Biblioteka je podržala festival tako što je u pomenutim prostorijama, uz poštivanje epidemioloških mjera, upriličila dvije književne promocije – 27. septembra promociju knjige Dušana Vesića "Bunt dece socijalizma", a 28. septembra promociju knjige Nune Arnautalića, člana legendarnih Indeksa, "Priče o muzici, Indexima i..."

#### - MJESEC KNJIGE

U četvrtak, 1. oktobra 2020. u 18,30, u Čitaonici Gradske biblioteke Zenica je gospodinu Šemsudinu Gegiću dodijeljena Plaketa Zeničko-dobojskog kantona, za izuzetan doprinos razvoju kantona u oblasti umjetnosti. Time je zvanično započeo Mjesec knjige 2020. To je ujedno bio i jedini program manifestacije koji je, uz poštivanje epidemioloških mjera, "fizički održan u našoj čitaonici. Ostatak manifestacije održan je online, na našoj facebook stranici, Youtube kanalu, kao i na našoj Web stranici. U sklopu Mjeseca knjige predstavili smo i promovisali do sada najviše bosanskohercegovačkih autora/autorica, odnosno njihovih aktuelnih književnih djela. Svaki autor je pojedinačno predstavljen u obliku videozapisa, odnosno kratkog intervjua. Video zapise smo objavljivali svakog ponedjeljka, srijede i petka, tokom oktobra, novembra, pa čak i decembra. Cijeli program smo samostalno realizovali, u vlastitoj produkciji, a cilj nam je bio da uz pomoć novih medija na svoj

naše biblioteke, nego svima koji nas razumiju, odnosno pripadaju našem govornom području.

Neki od autora koji su učestvovali u programu: Almir Bašović, Dijala Hasanbegović, Marko Tomaš, Magdalena Blažević, Almir Imširević, Marija Šuković, Selvedin Avdić, Lana Bastašić, Edin Pobrić, Senka Marić, Zlatko Topčić, Lejla Kalamujić, Nedžad Ibrahimović, Anita Pajević, Željko Grahovac, Bjanka Alajbegović, Faruk Šehić, Vladana Perlić, Vernes Subašić, Mediha Šehidić, Marko Bačanović, Alma Zornić, Feđa Štukan, Ervin Mujabašić, Renato Karamehić...

Pored svega navedenog, održani su još neki programi i aktivnosti:

- *petodnevna izložba u povodu 20. godišnjice od smrti Mustafe Ćemana,*
- *gostovanja u emisijama RTZE i drugim medijskim kućama.*
- *obilježeni značajni datumi u povodu rođenja ili smrti književnika: Muharema Omerovića, Meše Selimovića, Konstantina Kavafija, Williama Shakespearea, Harpera Lia, Zlatka Topčića, Bekima Sejranovića, Georgea Floyda,*
- *obilježavanje Svjetskog dana Roma,*
- *obilježavanje Međunarodnog dana pismenosti,*
- *redovna objava citata "Poznati u anegdotama",*
- *redovno infomisanje o svim novonabavljenim izdanjima biblioteke,*
- *redovno informisanje o dostupnim elektroničkim knjigama i preporuke.*

**Programske aktivnosti Biblioteke koje su finansijski podržane u toku godine:**

1. Izdavački projekat: **Izbor poezije zeničkih autora**, priređivača Željka Grahovca podržala Fondacija za izdavaštvo Sarajevo iznosom od 800,00 KM.

*Realizacija ovog projekta je u toku a štampanje knjige planirano za mart 2021.*

2. Projekat: **Nabavka tehničke opreme (projektor i printer)** je podržan od Fondacije za bibliotečku djelatnost sa 2.500 KM. Sredstva za njegovu realizaciju će biti operativna početkom 2021. godine kada će se i okončati.

Osim već gore navedenih programskih aktivnosti rad Biblioteka u toku 2020. godine podržali su:

- **Grad Zenica:** plaćanjem godišnjih troškova grijanja te finansijskom potporom za obnovu fonda u iznosu od **7.500,00 KM**

- **OPA USA** (Ured za odnose s javnošću Ambasade SAD u BiH): za planirane troškove **rada Američkog kutka**, u periodu juli 2020. - juli 2021. (IT podršku, godišnje troškove interneta, nabavka tehn. opreme, programa Adobe i MS office, antivirusa i ostale planirane programske aktivnosti i sl.) izdvojila **13.623,66 KM**

- **Fondacija za bibliotečku djelatnost:** otkupom 128 knjiga za Biblioteku

### 3. FINANSIJSKO POSLOVANJE BIBLIOTEKE U 2020. GODINI

Biblioteka je i u 2020. godini poslovala pozitivno sa pokazateljima iskazanim u obrascima koji čine sastavni dio završnog računa:

UKUPNI PRIHODI: 524.105 KM

UKUPNI RASHODI: 496.277 KM

**VIŠAK PRIHODA NAD RASHODIMA: 25.828 KM**

#### **KAPITALNA/ INVESTICIJSKA ULAGANJA:**

- Nabavka knjiga i opreme: 12.159 KM

#### **DETALJAN PREGLED PRIHODA I RASHODA ZA PERIOD: 01.01. - 30.12.2020. godine**

##### **PRIHODI:**

Doznačena sredstva od Zeničko-dobojskog kantona: za plaće, topli obrok, regres i dio materijalnih troškova	473.847,50
Prihodi od članarine	25.751,00
Prihodi od prodaje knjiga	62,00
Prihodi od iznajmljivanja prostora (održavanje predavanja o zdravlju)	300,00
Prihodi donacije iz inostranstva -od USA za rad Američkog kutka	13.624,00
Prihodi od osiguranja	150,00
Primljene donacije od Grada Zenica - za obnovu knjižnog fonda	7.500,00
Prihodi od refundacija za bolovanje - za 2019. g.	1.180,92
Prihodi od Fondacije – za projekte	800,00
Prihodi od otpisanih obaveza i ostalo nepomenuto	889,58
<b>UKUPNO:</b>	<b>524.105,00 KM</b>

##### **RASHODI:**

Isplaćene bruto plaće, porezi i doprinosi	385.163,00
Isplaćene naknade za topli obrok i regres	46.769,50
Isplaćene naknade po ugovorima o autorskom honoraru, porezi i doprinosi (aktivnosti na realizaciji programa, izdavačka djelatnost, Zeničko proljeće, DokumFest, Mjesec knjige	2.169,20
Isplaćene naknade po ugovorima o djelu, porezi i doprinosi (IT podrška i održavanje opreme u Američkom kutku, oglašavanje na društvenim mrežama, radovi na održavanju objekata i sanacije kvarova)	4.592,73
Isplaćene naknade, porezi i doprinosi za Upravni odbor	293,00

Isplaćene naknade za prevoz radnika na posao	1.833,00
Isplaćena naknada za otpremninu u penziju	3.680,00
Troškovi službenog puta	1.325,50
Izdaci za električnu energiju	4.444,00
Izdaci za telefonske usluge, internet i otpremu pošte	5.326,00
Izdaci za grijanje (Osnivač plaća direktno JP) + za popravku kvara	68,00
Izdaci za odvoz smeća	1.367,00
Izdaci za vodu i kanalizaciju	1.754,32
Usluge opravki i održavanja zgrade - OZD	3.292,00
Izdaci za kancelarijski materijal	1.957,00
Izdaci za kompjuterski materijal	1.232,00
Ostali materijal (sredstva za higijenu, dezinfekciju i zaštitu)	1.446,00
Izdaci za materijal za čišćenje	1.697,00
Izdaci za monitoring i protuprovalno obezbjeđenje	2.012,00
Izdaci za materijal za opravku i održavanje	443,00
Izdaci za KN, naknada za vatrogastvo, takse	780,00
Usluge opravki i održavanja	2.038,00
Sitan inventar	558,00
Izdaci za osiguranje imovine	2.009,00
Izdaci platnog prometa	1.614,00
Izdaci za knjigovodstvene usluge	3.656,00
Izdaci za printanje, snimanje, uvezivanje	1.218,00
Izdaci za objavu konkursa	761,63
Pretplata na periodična i stručna izdanja: novine, časopise i službene listove	2.043,50
Usluge reprezentacije (redovni i troškovi org. programa)	1.272,00
Članarine i licence biblioteke (za Cobiss bazu podataka, izrada CIP-a za knjige)	6.153,28
Izdaci za štampanje knjiga	1.391,72
Izdaci za stručna usavršavanja radnika	100,00
Troškovi adobe programa	1.204,63
Ovjera godišnjeg obračuna	70,00
Ostale nepomenute usluge	543,00
<b>UKUPNO RASHODI</b>	<b>496.277 KM</b>

**“KNJIGOVODSTVO” d.o.o. Zenica**

## 4. STRUKTURA RADNIKA

struktura 21 uposlenog radnika Biblioteke data je u sljedećoj tabeli:

STRUČNA SPREMA radnog mjesta	BROJ	SPOL	
		Muški	ženski
VSS - direktor / bibliotekari / sekretar	11	6	5
SSS - knjižničar	7	-	7
NSS - spremačica, kurir	3	-	3
<b>Ukupno:</b>	<b>21</b>	<b>6</b>	<b>15</b>

Struktura zaposlenih je sljedeća: 12 sa VSS (od kojih je 6 diplomiranih bibliotekara i 2 magistra bibliotekarstva), 6 sa SSS i 3 NK radnika. Radnici sa VSS i SSS položili su odgovarajuće stručne ispite za obavljanje ove djelatnosti.

Većina radnika je ženskog spola, njih 15.

Prosječna starost zaposlenih je 48 godina.

### **Edukacija radnika (seminari, kursevi, konferencije i dr.)**

Stalno usavršavanje i obrazovanje kadrova strateško je opredjeljenje u vođenju poslovne politike Biblioteke međutim ove godine je zbog situacije u državi i ono bilo fizički ograničeno.

Predstavnicima Biblioteke omogućeno je prisustvo:

- *jednodnevnom Kursu/tečaju: Upotreba programske opreme COBISS 3, NUB Sarajevo*
- *petodnevnom Početnom kursu COBISS 3, NUB Sarajevo*
- *učešće u radu Udruženja bibliotekara ZDK, Maglaj*
- *obuka za energijskog menadžera-saradnika, Grad Zenica*

## 5. O RADU DIREKTORA I NJEGOV DOPRINOS ZA POSTIGNUTE REZULTATE U RADU USTANOVE

U 2020. godini, direktor i svi uposlenici su bili suočeni sa teškim izazovom koji je donijela pandemija. Zbog toga se nisu mogli držati planova rada, a direktor je bio prinuđen često donositi i "ad hoc" odluke, a sve s ciljem zaštite uposlenika i korisnika od koronavirusa. Shodno tome, cijela godina je protekla u znaku pandemije. Uprkos tome, direktor je bio izuzetno proaktivan i iznalazio praktična i konstruktivna rješenja, kako da se istovremeno poštuju epidemiološke mjere, ali i da Biblioteka, koliko god je to moguće, nastavi svoj neometan rad. Kad je riječ o direktorovom radu, osim pomenutih programskih aktivnosti, treba nabrojati i neke najznačajnije poslove tehničke prirode:

- provođenje konkursnih procedura za zapošljavanje: zahtjevi prema finansijeru i osnivaču - zbog obustave rada Biblioteke prvi postupak pokrenut u martu a okončan u junu, a drugi zbog kašnjenja u dobijanju prethodne saglasnosti od osnivača pokrenut u decembru ,umjesto septembru, formiranje Komisije, Odluke o izboru, Izvještaj finansijeru (Služba za opće poslove)
- tromjesečni izvještaji o namjenskom utrošku sredstava iz Budžeta ZDK dostavljani finansijeru (Služba za opće poslove) a i svim ostalima od kojih su dobijena namjenska sredstva za projekte, obnovu fonda (Služba za opće poslove)
- informacije o upravljačkim strukturama, broju zaposlenih i budžetu za 2020. g. - dostavljene Transparency International BiH (Služba za opće poslove)
- sklopljen Sporazum sa Muzičkom školom u cilju promovisanja muzičke kulture i kulture čitanja
- provođenje postupka detaljne revizije obrazovnih dokumenata svih zaposlenih okončano u roku i Izvještaj dostavljen Timu za borbu protiv korupcije ZDK (Služba za opće poslove)
- urađen godišnji statistički izvještaj biblioteka za 2019 godinu (Služba za opće poslove)
- uz odobrenje Osnivača, direktor Haris Abdagić i Željko Grahovac su prisustvovali (od 2. do 5. Marta) književnim promocijama u organizaciji IK Zenit Books iz Novog Sada
- podrška radu UG Bibliotekara ZDK
- dostavljanje podataka o radu Osnivaču i postupanje po datim instrukcijama Osnivača (Služba za opće poslove)
- apliciranje za sredstva - projekti predati u Grad Zenica, ZDK i Fondaciju za izdavaštvo, Fondaciju za bibliotečku djelatnost
- priprema Pravilnika i sjednica Upravnog odbora (Služba za opće poslove)
  - potpisan Sporazum sa Zeničkom razvojnom agencijom Zeda o prijemu dva lica na stručno osposobljavanje
  - programi planiranih aktivnosti i troškova poslovanja u 2021. godinu izrađeni za Budžete Grada i ZDK (Služba za opće poslove)



- dostava podataka o objektima koje koristi Biblioteka Osnivaču ((Služba za opće poslove)
- učešće u aktivnostima za izradu Urbanističkog plana Grada Zenica

## 5. 1. Stav Upravnog odbora o radu direktora:

tokom 2020. godine Biblioteka je uspješno odgovorila na potrebe njenih korisnika. Iako je evidentno prethodna kalendarska godina bila vrlo kompleksna i puna izazova, direktor i kolektiv biblioteke su redovito obavljali svoje centralne aktivnosti, osim u periodu 19.03.-18.05. 2020. kada je odlukom Federalnog kriznog štaba obustavljan rad sa korisnicima u prostorijama Biblioteke i kada je rad sa korisnicima obavljan putem online platforme. U pogledu izdavačke djelatnosti Biblioteka je nastavila da obogaćuje izdavački prostor BiH - objavljena su dva a za štampu pripremljena još dva izdanja. Zbog specifičnih okolnosti, manifestacija *Ljeto biblioteci* se nije mogla održati. Međutim, održan je niz drugih aktivnosti poput promocija knjiga, radionica, predavanja i na koncu manifestacija *Zimovanje u biblioteci*. U velikom broju osnovnih škola osoblje Biblioteke je, uz edukativno-zabavni program, promovisalo njen rad a podijeljene su i besplatne članske karte prvačima. Održana je književna smotra *Poetski maraton*, na kojoj su okupljena neka od najvažnijih imena pjesničkog stvaralaštva u BiH. U okviru obilježavanja Svjetskog dana knjige, raspisan je konkurs za najbolju autorsku priču na temu "Čitam zato što" a organizovana su online obraćanja najznačajnijih pisaca za djecu u BiH. Tradicionalno je Biblioteka učestvovala u organizaciji i *Dokumfesta*, koji je, zbog epidemiološke situacije, održan u klubu *Zona*. Uspješno je obilježen *Mjesec knjige*, a u okviru kojeg je predstavljen rad velikog broja domaćih autora i dodijeljena plaketa Ze-do kantona piscu Šemsudinu Gegiću. Biblioteka je u 2020. poslovala pozitivno i ostvarila višak prihoda nad rashodima u iznosu od 25.828 KM.

Članovi Upravnog odbora smatraju da je direktor izuzetnom posvećenošću i profesionalizmom obogatio kulturne sadržaje Grada, a saradnjom sa zajednicom učinio Biblioteku vidljivijom i stoga ga za njegov rad ocjenjuju najvišom ocjenom.

## 6. O RADU UPRAVNOG ODBORA

**Upravni odbor** je radio u sazivu: Zijada Kurtodža predsjednica, Hana Sokolović, članica i Bernard Harbaš, član.

Na sjednicama su se osim tekućih, razmatrala i sljedeća pitanja:

- Izvještaji Komisije za popis i inventarisanje sa stanjem na dan 31.12.2019. godine
- Završni račun Biblioteke za 2019. godinu
- Izvještaj o radu Biblioteke za 2019. godinu
- Popuna upražnjenih radnih mjesta u Biblioteci
- Izdavački projekti Biblioteke
- Realizacija kulturnih sadržaja u uslovima vanredne situacije
- Donošenje Pravilnika o izmjenama i dopunama Pravilnika sa kriterijima za prijem u radni odnos
- Usvajanje Cjenovnika usluga za 2021. godinu
- Rad Biblioteke u vanrednim uslovima

## 7. IZVJEŠTAJ REVIZORA

Finansijer Biblioteke je Zeničko-dobojski kanton pa finansijsko poslovanje Biblioteke, kao i svih drugih budžetskih korisnika koji su na tzv. transferu, redovno prati resorna služba Kantonalnog ministarstva za finansije ZDK.

Imajući u vidu broj radnika, kao i iznos prihoda koje ostvarujemo a u skladu sa kriterijima koje definiše CJH, te odredbama člana 8 i 9. Zakona o internoj reviziji u javnom sektoru (*"Službene novine FBiH" br:47/08 i 101/16*) i odredbama Pravilnika o kriterijima za uspostavljanje jedinica za internu reviziju u javnom sektoru u FBiH (*"Službene novine FBiH" br: 82/13 i 74/14*), Kantonalno ministarstva finansija ZDK formiralo je jedinicu za internu kontrolu/reviziju koje pokriva sve budžetske organizacije prvog i drugog reda u sastavu Kantona, te Biblioteka nema zakonsku obavezu da samostalno angažuje ovlaštenog internog revizora.

## 8. PLAN POSLOVANJA U 2021. GODINI

- Kontinuirana obnova knjižnog fonda Biblioteke i nastavak aktivnosti na iznalaženju dodatnih izvora sredstava
- Nastaviti s unapređenjem usluga u okviru međubibliotečke pozajmice.
- Provođenje aktivnosti na povećanju broja aktivnih korisnika Biblioteke.
- Nastavak aktivnosti na povećanju kvaliteta i aktivnosti na obezbijedivanju sredstava za elektronsku COBISS pozajmicu
- Učešće radnika Biblioteke u radu domaćih i međunarodnih stručnih skupova, i njihovo stručno usavršavanje primjereno potrebama i mogućnostima
- Nastavak redovnih projekata i aktivnosti: DokumFest, *Mjesec knjige*, tribine, promocije, predavanja, izložbe...
- Nastavak vlastite izdavačke djelatnosti u okviru postojećih edicija a u skladu s finansijskim mogućnostima, ili kao suizdavači.
- Kao matična biblioteka za područje grada Biblioteka će nastaviti s pružanjem stručne tehničke pomoći u formiranju i radu drugih biblioteka.
- Nastavak saradnje s Uredom za odnose s javnošću (OPA) Američke ambasade u Bosni i Hercegovini.
- Nastavak saradnje s obdaništima, školama, zdravstvenim i drugim ustanovama, udruženjima koja djeluju u Zenici, sa srodnim i drugim institucijama u zemlji i inostranstvu.

**Sve spomenute aktivnosti bit će provodive uz kontinuiranu podršku osnivača i finansijera, kako bi Biblioteka mogla ostvarivati svoju funkciju od društvenog značaja. Isto tako, ove aktivnosti su uslovljene pandemijskom situacijom, koju je nemoguće predvidjeti.**



**PREDSJEDNICA  
UPRAVNOG ODBORA**

**Zijada Kurtodža**

## GRADSKA BIBLIOTEKA ZENICA

Broj: 125/21

Datum: 30.03.2021. g.

Na osnovu člana 38. Pravila Gradske biblioteke u Zenici, Upravni odbor Gradske biblioteke Zenica na sjednici održanoj 30.03.2021. godine, *donio je*

### **ODLUKU** **o usvajanju Izvještaja o radu u 2020. godini**

#### **I**

Usvaja se Izvještaj o radu Gradske biblioteke Zenica u 2020. godini u tekstu kako je predloženo Upravnom odboru.

Izvještaj je prilog ovoj odluci i treba biti dostavljen Gradskom vijeću Zenica radi daljnjeg razmatranja i usvajanja.

#### **II**

Ova odluka stupa na snagu danom donošenja.



**PREDSJEDNICA  
UPRAVNOG ODBORA**

  
**ZIJADA KURTODŽA**

# GRADSKA BIBLIOTEKA ZENICA

Broj: 125/21-1

Datum: 30.03.2021. g.

Na osnovu člana 38. Pravila Gradske biblioteke u Zenici, Upravni odbor Gradske biblioteke Zenica na sjednici održanoj 30.03.2021. godine, *donio je*

## **ODLUKU** **o ocjeni rada direktora u 2020. godini**

### **I**

Rad direktora Gradske biblioteke Zenica u 2020. godini ocjenjuje se najvišom ocjenom jer je i u teškim uslovima pandemije omogućio nesmetan rad biblioteke i izuzetnom posvećenošću i profesionalizmom obogatio kulturne sadržaje Grada, a saradnjom sa zajednicom učinio Biblioteku vidljivijom.

### **II**

Ova odluka stupa na snagu danom donošenja i prilog je Izvještaju o radu Gradske biblioteke Zenica u 2020. godini.



**PREDSJEDNICA**  
**UPRAVNOG ODBORA**

**ZIJADA KURTODŽA**